

## Stáhtaráđi ásaĥus

### boazodoalu ja luondduealáĥusaid ráĥkadusdoarjagiin addojuvvon stáhtaráđi ásaĥusa rievdadeamis

Stáhtaráđi mearrádusa mielde  
gomihuvvo boazodoalu ja luondduealáĥusaid ráĥkadusdoarjagiin addojuvvon stáhtaráđi ásaĥusa (276/2017) 3 §, ja  
rievdaduvvo 2 ja 10 §, 14 § 1 momeanta, 20 §, 36 § 2 momeanta, 41 § 1 momeanta, 42 §, 43 § 3 momeanta, 52 ja 53 §, 55 § 1 ja 5 momeanta ja 57 § 2 momeanta čuovvovaččat:

2§

#### *Euroĥpá uniovnna láĥkaásaheami guoskadeapmi*

Dušše boazodoalu doarjaga miediheami gáibádussan lea, ahte doarjaga ožžon doaibma deavdá bohccuid ja boazobuktagiid buvtadeapmái ja gávppi doallamii Suomas miediĥuvvon sisriikkalaš doarjagiid miediheamis addojuvvon Euroĥpa kommišuvnna mearrádusa K (2016) 1752, eavttuid.

Nuora ealáĥusbargi álggahandoarjaga, eará luondduealáĥusa go boazodoalu doarjaga ja dutkanruhtadeami miediheami gáibádussan lea, ahte dorjojuvvon doaibma deavdá dihto eavttuid, mat bohtet eanan- ja meahcedoallosuorggi ja dálonguovlluid doarjjahámiid gávnaheamis sismárkaniidda heivvolažžan Euroĥpá uniovnnas dahkkon soahpamuša 107 ja 108 artihkkala mielde addojuvvon kommišuvnna ásaĥusas (EU) Nr 2022/2472.

Boazodoalu ráĥkadusdoarjajalága 87 § 1 momeantta 2 ja 4 čuoggáin dárkkuhuvvon sierra ovddu miediheami gáibádussan lea, ahte dorjojuvvon doaibma deavdá Euroĥpa uniovnna doaimmas dahkkon soahpamuša 107 ja 108 artihkkala heiveheamis unnán mearkkalaš doarjagii eanadoallosuorggis addojuvvon kommišuvnna ásaĥusa (EU) Nr 1408/2013 eavttuid.

Boazodoalu ráĥkadusdoarjajalága 87 § 1 momeantta 3 čuoggás dárkkuhuvvon sierra ovddu miediheami gáibádussan lea, ahte dorjojuvvon doaibma deavdá Euroĥpa uniovnna doaimmas dahkkon soahpamuša 107 ja 108 artihkkala heiveheamis unnán mearkkalaš doarjagii guolástan- ja čáhcegilvinsuorggis addojuvvon kommišuvnna ásaĥusa (EU) Nr 717/2014 eavttuid.

10 §

#### *Iežas buvttabidjosat*

Priváhta ruhtadeapmin doĥkkeĥuvvo ĥukseninvesteremis iežas muorraávdnasa dahje eananávdnasa geavaĥeapmi ja doarjjaoažžu dahkan bargu. Iežas barggu árvu lea 20 euro bargodiimmus. Juos bargu dahkkojuvvu tráktora dahje eará dávisteadđi bargoneavvu geavahemiin, barggu árvu lea 40 euro diimmus olmmošbarggu lassin.

Barggus galgá doallat diibmogirjedoaalu. Muorraávdnasa ja eananávdnasa mearis, šlájas ja hattis galgá čujuhit áššedovdi čilgehussii.

14 §

*Ámmátdáidu*

Doarváí buori ámmátdáidun dollojuvvo doarjaga čuožáhaga ealáhusdoaimma suorggis skáhppojuvvon unnimusat nuppi dási dutkosa.

---

20 §

*Investerendoarjaga olggobeallái báhcán golut*

Investerendoarjja ii máksojuvvo goluin, mat šaddet:

- 1) šattuid dahje eará ealliid go bohccuid háhkamis;
- 2) tráktora, smávvgoaivunmašiinna dahje biilla háhkamis;
- 3) eiseváldelobiin dahje doaibmabijuin, mat dahkkojuvvojit Eurohpa uniovnna gustojeaddji gáibádusaid doahhtaleami várás;
- 4) dorjojuvvon doaibmabiju ruhtadeamis;
- 5) árvolassivearus, juos dat ii báze ohcci loahpalaš gollun ja ohcci ii buvttte čilgehusa das, ahte árvolassivearu ii leat vejolaš oažžut geahpádussan dahje máhcahuvvot ruovttoluotta;
- 6) ohcci iežas čađahan fievrrideamis;
- 7) ohcci, su bearašlahtu, ohcci dahje su bearašlahtu mearridanválddi vuollásaš fitnodaga dahje ohccin leamaš fitnodaga jodiheaddji sajádaga leamaš olbmo dahkan háhkamiin, juos háhkamis eai leat bivdojuvvon doarváí olu fáladagat eará áššáigullevaš fálliin.

36 §

*Doarjaga čuožáhat ja dohkálaš golut*

---

Dutkanruhtadangollun sáhttet dohkkehuvvot 2 § 2 momeanttas namuhuvvon kommišuvnna ásahusa 38 artihkkala 7 čuoggás dárkkuhuvvon golut.

41 §

*Golu duodašteapmi*

Doarjaga máksima ja loana loktema ektun lea, ahte doarjjaoažžu laktá máksinohcamuššii čuoldima doaibmabijus duodaštuvvon šaddan goluin ja doaibmabiju ovdáneamis. Doarjja ii máksojuvvo ovdal go gollu lea girjejuvvon doarjjaoažžu rehketdollui dahje geatnegahtton muituimerkejumiid dahkki vearrogeatnegasa oasil muituimerkejumiide.

---

42 §

*Álggahanveahki doarjaga máksin*

Álggahanveahki doarjjaoassi máksojuvvo guovtti seammasturrosaš earrin.

Doarjaga nuppi eari máksima eaktun lea fitnodatdoaimbaplána ollašuhhtin. Álggahandoarjja máksojuvvo eanemusat viđa jagi áigge doalu álggaheamis.

43 §

*Eará doarjaga máksin ja loana lokten*

---

Máksima várás ohccojuvvon doarjaga maŋemus earri galgá leat unnimusat 20 proseantta doarjjan miedihuvvon veahki mearis ja loana vuosttaš ja maŋemus earri galget leat unnimusat 20 proseantta loana ollislaš mearis, mii lea doarjaga čuožáhahkan. Ássanhuksendoarjaga veahkki máksojuvvo ja loana oazžu loktet gárvvásnuvvandási mielde.

---

52 §

*Loatnalágádusa goluid buhtten*

Loatnalágádussii stáhtaloanaid dikšumis šaddan goluid buhtadusa sturrodad lea 0,75 proseantta mávssekeahces loatnakapítála mearis. Buhtadus ohccojuvvo Biebmobearráigehčus jahkebeliid gaskka.

53 §

*Loana doarjaga čuovvun*

Loana doarjaga čuovvuma várás, mii laktása stáhtalotnii, reantodoarjjalotnii dahje eará lotnii, man čuožáhahkan lea stáhtadáhkádus, loatnaaddi galgá doaimmahit Biebmobearráigehččui aŋkke čuovvovaš dieđuid:

- 1) guovddášruhtalágádusdovddaldaga ja doarjaga hálddašeaddji loatnalágádusa kontora nummára;
- 2) loatnaoazžu ja gielakoda;
- 3) doarjjamearrádusa hálddahuslaš nummára;
- 4) doarjjašlájja ja -koda;
- 5) loana nummára, miedihuvvon loana meari, loatnašlájja ja loatnaáiggi;
- 6) loana miedihanbeaivemeari;
- 7) doarjaga meari oktiibuot mii gullá lotnii dahje stáhtadáhkádussii;
- 8) loanas loktejuvvon eari máksima ja loktema beaivemeari;
- 9) reantoproseanta sihke loana ja reanttu rehkenastinvuogi;
- 10) oanidanvuogi ja loana earrebeivviid;
- 11) loanas máksojuvvon reanttuid ja daid máksinbeivviid;
- 12) loanas máksojuvvon oanádusaid ja daid máksinbeivviid;
- 13) loana mávssekeahces kapitála;
- 14) reantodoarjaga guđege reantoáigodaga vássán doarjaga meari ja reantodoarjagis geavahuvvon oasi oktiibuot;
- 15) stáhtaloanas gollan doarjaga meari guđege reantomáksingaskkas sierra ja reantodoarjjaovddus, oanádusaid friddjajagiin, reantofriddjavuohtan ja dáhkáduskeahces gullevaš doarjagin geavahuvvon oasi oktiibuot;
- 16) miedihuvvon máksinálkideami meari jahkin.

55 §

*Stáhtadáhkádusa čuozáhat ja eavttut*

Stáhtadáhkádus sáhtá miedihuvvot 4 logus dárkkuhuvvon buvttadanvistti hukseninvesterema dahje bohccuid háhkama várás sihke 6 logus dárkkuhuvvon orrunviesu várás váldojuvvon lotnii ja 5 logus dárkkuhuvvon lotnii, mii laktása nuorra ealáhusbargi álggahandoarjagii.

Stáhtadáhkádussii ferte ásahuvvot vuostedáhkádus sáhtá leat giddodat- dahje fitnodatgiddehus.

57 §

*Stáhtadáhkádusas bearranvuloš mávssut ja buhtadus mii máksojuvvo loatnaaddái*

Loatnaaddái dáhkádusloana dikšumis máksojuvvon buhtadus 0,2 proseantta dáhkádusa guđege áigge báhcán mearis. Buhtadus ohccojuvvo Biebmobearráigeahčus jahkebeliid gaska.

Dát ásahus boahá fápmui njukčamánu 6 beaivve 2023.

Dát ásahus guoskaduvvo doarjaga miediheami ohcamuššii, mii lea johttáhuuvvon njukčamánu 6 beaivve 2023 dehe dan maŋŋel. Go dát ásahus boahá fápmui, de gustojeaddji mearrádušat guoskaduvvojit doarjagiidda, mat leat miedihuvvon ovdal dán ásahusa fápmui boahatima.

Jagi 2023 ovdalis 4 § 2 momeantta 2 čuoggás dárkkuhuvvon mearreáigi dutkanruhtadeami ohcamii nohká cuoŋománu 30 beaivve 2023.

Helssegis 2.3.2023

Eanan- ja meahcedoalloministtar Antti Kurvinen

Láhkaásahanráđdi Maija Kaukonen